

文282.462

182

二)



寒村詩選序

寒村之詩出人皆笑之卽知之者亦謂其在江門定山之間而不喜之以其不似唐也余以爲唯寒村始可以言唐詩矣似不似之論王之學華所以去之更遠古今之言詩者多不從受病之處徒抄販其流注之害此其說之所以愈長也近時疏勅諸家莫如牧齋然知白沙之爲詩人而深怪定山猶是執呂以毀律也痛惡者竟陵稍寬者公安夫竟陵公安豈能自別爲家以遊穀中竟陵學王孟而失之者也公安學



元白而失之者也根孤伎薄不過流注之害耳詩之
爲道從性情而出性情之中海涵地負古人不能盡
其變化學者無從窺其隅轍此處受病則注目抽心
無非絕港而徒聲響字脚之假借曰此爲風雅正宗
曰此爲一支半解非愚則妄矣上天下地曰宇古往
今來曰宙自有此宇便不能不宙今以其性情下殉
家數是以宙滅宇也又障其往來者而使之索是非
於黃塵是以宙滅宙也今人論詩大槩如是寒村之
性情湔汰秋水表裏霜雪故其爲詩不必泥唐而自

與唐合有識者自當相遇於心理所得則余言亦贅
矣

南雷老人黃宗羲題

寒村詩選

見黃稿詩刪卷一七十二首

見黃稿詩刪卷二七十七首

見黃稿詩刪卷三七十三首

見黃稿詩刪卷四九十四首

五丁詩稿卷一五十九首

五丁詩稿卷二一百四十一首

五丁詩稿卷三八十七首

五丁詩稿卷四七十五首

五丁詩稿卷五一百八十三首

安庸集八十首

玉堂集四十一首

歸省偶錄六十首

還朝詩存二十三首

玉堂後集五十首

寶善堂集卷上二十七首

寶善堂集卷下七十八首

白雲軒集卷上三十六首

白雲軒集卷下六十三首

南行雜錄五十九首

高州詩集卷上五十五首

高州詩集卷下九十六首

寒村見黃稿詩刪卷一

自丁未至庚戌

甬上

高斗魁旦中

選訂

董允璘吳仲

元日

鵲叫雞啼蠟燭然閒庭曉色漫青烟百年人已踰三
十一樹梅何止萬千江上春遲因閨歲樓前寒減似
新年不堪身世憑椒酒生意殷勤問水仙

人日早起陳葵獻范國雯董吳仲萬季野馮蓋
仲謁黃先生歸便道見過

蕙水未能同執贄蓉江猶喜暫維舟如何帶雨來相
訪忽漫隨雲去不留行到渡頭潮已落送過浦口霧
初收村邊分首真匆促懷抱他時憶舊遊

梅湖掃都督施公墓卽事

輕航繞出六峯隈忽覲梅湖一鏡開野岸逢人詢舊
路山家留客灑新醅將軍墓木樵蘇盡孺子盤飧祭
奠來歎息容平荆棘長日斜歸去竟餘杯

容平閣名

石尤風打棹難前潮落空江月沒天爲慮關津畱夜
艇似聞鼓角起寒烟郊扉燈影疎臨岸野寺鐘聲靜

到船待泊柴門心忽喜黃昏飯後未人眠

時禁夜行

歸家卽事

時館鄞郊

二月山頭雪未消鳴榔歸去好披貂晴光今日初添
暖春色吾家似獨饒短短紅梅猶我待依依綠柳更
相招闔門肺病俱高枕欲戀庭闈話幾宵

上巳歸家

每於上巳賦歸歟單袷衣裳體自如獨有今年因歲
閏依然此日似春初風前冷甚桃猶怯雨後陰多柳
未舒所喜明朝天已霽西江山色信籃輿

三月十四日又歸

春郊士女沸如羹我亦輕舸傍午行歸去沿途皆鼓
吹到來翼日昃清明雲陰大陸遲花氣風急長林咽
鳥聲已面老親還抱子黃昏月上飯青精

午日

踪跡年來任轉蓬園亭暫憩正天中榴花赤映梔花
白梅子黃催杏子紅家室愁多憑酒盞江山雨過盡
詩筒鄰翁喜事能相訪一局圍碁竹檻東

雨餘曉起

半年學道無從得昨夜拋書不待尋晚起桐花青草
上雨餘瓜瓞綠藤陰滿前但見生生意何處堪容戚
戚心最是燕鶯能解事迭來牕外向人吟

五月廿七歸家卽事

郊扉力疾到江鄉野外清幽氣自涼竹蔭垂垂三徑
綠荷風習習一庭香高眠夢與蟬聲永晚食情安菜
味長所苦黃梅淫雨歇家童夜夜桔槔忙

爲避歎烝返故廬澣衣濯足病消除家人摘荳烹新
鴨野老攜尊餉小魚稻熟未堪充國賦天晴空自習

農書何當耕獲無災稷歛段長隨下澤車

六月初五又歸

江村風氣好於城客裏歸來暑更清自可避人眠竹
院不勞呼僕結松棚荷香十畝蟬聲靜稻綠千畦鷺
羽明家室檀藥新浴後西樓月色酒盃生

旅館夜起

睡起園亭風露清梧桐一月照人明有親何事長爲
客此際那能不動情愁落荒郊孤犬吠吟憐短草百
蟲聲更堪四野瞻天久星嘒銀河夜正晴

病起

秋來伏枕門無客起坐空庭對碧雲白日青天元不
管自來自去卻成文

荒草縱橫靜後雨閒花零落病中秋門前有客來求
字信手拈詩興自幽

腕弱安能多作畫眼花且復少觀書支牀半月聞丹
桂百服參苓也不如

蜂子股肥花粉白魚兒尾亮草根紅靜觀意思原如
是不獨天香撲鼻風

九日家中二首

暫歸家自好閉戶酌新醪秋後鮮牛乳霜時醉蟹螯
親爲安約話婦出禦寒袍似比榮名客翻分逸與勞
野店茅柴熟江村白小肥攜樽黃菊圃數雁碧雲磯
閒恨故人少靜知往事非暮烟山脚起獨坐看斜暉
書齋早起
犬吠夜相和雞鳴寒自長薄霜冷古瓦殘月明空牀
葉落忽驚客禽栖如戀鄉披衣懷明發窺戶獨徬徨
十一月七日到家

到家五次不成詩此日栖遲有所思千里故人歸未
得十年前事問誰知花因日暖呼童種菜以霜甜屬
婦炊自恨邇來長作客故園風味日睽離

故人謂
袁節之

寒天四首

寒天盡日聽雞聲薄俗何人識我情潮滿空江風更
濶林疎遠燒雨還明種梅斜傍懸藤壁釀秫深開覆
竹楹怪底夜來猶客夢三年書劍滯鄞城
寒天疎雨嬾登程短褐科頭學治生卽看河塘耕菜
壠便令屋角拆瓜棚厨烟翠入鄰家靜鑪火紅存野

店清芋栗盤餐非我力漫誇菽水當三牲
寒天葉盡遠村平晚渡人稀小艇橫雪意籠山鄰護
橘冰花皺水僕藏罍人情似冷偏欺老世事如雲合
待晴爲謝門前杯酒客爐烟燈火閉柴荆
寒天布褐尚嫌輕空宅門牆正落成塞向餘松熏鼠
穴編籬賸竹煮魚鐺畱賓量飲茅柴酒餉僕平分骨
董羹歲歲殘冬收拾過儘教豎子得成名

暮雨待王文三不至

戊申

深戒吟詩妨學業其如客况自成詩雨樓天色暮偏

早雲樹人家春獨遲縱有好書憑我讀奈無佳信報
親知此時故人乘舫到燈火逢迎話別離

夜讀黃先生文集偶作

微風欲起燈影動驟雨初歇水聲來一春心事名牽
絆今夜文章眼豁開便擬高歌到日出不知殘漏向
人催客衣涼冷且眠臥稍待天晴撥棹迴

晚村

一卷殘經對好風會心多在晚村中已憑溝澮汚流
競自覺烟雲色相空古墓欹傾耕犢上野橋低小釣

航通年來漸洗名根淨惟許前溪鷗鷺同

歸家卽事

暫得離城市歸家事轉清移花乘細雨播種急新晴
浪暖魚兒出烟濃杏子生村居無俗客隨意聽禽聲

野步

客中仗友慰愁思連日村樓坐不支花草似親驅犢
叟烟霞不鄙訓蒙師臨牕綠樹鴉生子映水青畦雉
引雌春暮晚晴真不捨荒塍獨步咏新詩

畫村莊自題

窮人安得買山錢筆底居廬有萬千若使此廬真可
授當令寒士盡安眠

曉起

菜花黃褪蒺藜紅豆麥青青小犢風農事正忙人早
出書帷纔捲燕先通鄉心遠落烟雲外詩句多生楚
樾中忽見鷓鴣發一笑辛勤捕捉與漁翁

病起

病裏降魔幾墮禪祇看生死大因緣起觀燕子勤猶
爾笑解榴花落自然雨後青天雲似畫風中白水月

如船加餐幸慰雙親意紙帳藤牀且晝眠

雨朝晏起

一雨連春夏高眠巳日中樹陰隨意綠花樣應時紅
旅館衣裳潤蒙師筆硯癢黃鸝無個事深坐竹枝叢
獨坐
客中服藥承親命病裏拋書望友來肩粟故應依枕
席眼花時復倚樓臺東城日麗烟中暑西岫雲埋雨
後雷舉目陰晴如此異臨風獨坐且含杯

夜起

墓門月亮鴟梟叫書閣風清牖戶開帶夢起聽真寂
寞披衾遠望獨徘徊不知地震天何意還念親愁子
不才六七同人斲甍穩漁翁隔壟唱歌回

黃昏靜坐

幾年學道翻成傲近日凝神欲砭輕鐘後坐來忘鼓
促心中印得覺書明蟲啾鳥嘯何非我病苦貧愁底
處生獨有晨昏頰頰意秋風涼冷更關情

陳介眉作自責詩十六首出示同人巳又補四
首投余依韻和之

其一日無端每自恨言輕百病都從言處生側
耳試聽搖頰處憎人何等便分明

生平亦自恨言輕百病非從言處生側耳試聽搖頰
處憎人便已不分明

其二日霎時風浪欲遮天一轉帆時已晏然只
恐風來帆又起江心何處再收船

若因風浪欲遮天纔轉帆時豈晏然莫使無風帆得
起江心何處不收船

其三曰悔從熱處便論交百丈寒冰禁幾敲我

悔人時人悔我知頭還自要知梢

未能熱處便無交須識寒冰不禁敲人我總無堪悔
處知頭原自己知梢

其四曰月到天心子夜霜開門本自好風光只
因被底餘溫在此外寒威不可當

月到天心子夜霜開門果是好風光又何被底餘溫
在認彼寒威不可當

邑中晚歸二首

返照江流紫扁舟下遠灘涼風西極起落葉北城寒

見章和言冊卷一
九
婦女收秔稻烏鳶息羽翰吾甘蓬蓰拙緩步勝車安
村晚人烟黑殘烏並我歸疎星當逕大獨火傍林微
山近石橫市草深露上衣到家兒女靜一犬吠柴扉

微雨夜起

微雨落葉響夢覺疑人行起視月光淡坐依雲影明
疎簷蛛網破枯木鵲巢平擊柝真無賴荒城不絕聲

微雪

同雲漠漠繞孤城微雪翩翩度小楹夜聽有聲風未
定曉看無迹雨初晴僮傳野外峯俱老我伴梅枝花

已生歲暮扁舟歸去好江樓高處境逾清

臘月十二日歸家卽事

臘底歸心急不勝衝風來喚野航乘吹醒離席數杯
酒撐破長河十里水江岸孤雲依落日柴門遠燒接
疎燈草堂若得團團坐歲暮窮愁底處增

入郡贖典衣

一年纔得一旬歸又去衝寒贖典衣滑滑冰紋驚鳥
立輕輕雪片傍人飛農家掃舍將迎竈野店催逋却
掩扉爆竹數聲城郭近斜陽漸喜似春暉

草堂卽事

又從鄞郭泛舟回花徑書牕次第開當楊舊垂三樹
榻隔牆新傍一梢梅暖如春晝寒將轉雲似黃昏雨
欲來安署香爐碁局好明年歸臥此樓臺

冬深二首

冬深白屋苦寒多霜下南風天暫和山市殘年人久
闕江亭落日渡頻過幽居自分賓朋少卒歲將逃禮
數苛最喜雪消開粟玉翩翩仙子欲凌波
颯颯寒風動水村融融暖日到柴門且看野鴨隨雞

鶩更與鄰翁抱子孫隔岸漁樵歸薄暮臨江鐘磬發
黃昏雪邊細草青如翠預醉椒花酒一尊

正月十七日冒雪到張氏草堂

巳酉

一月庭闈石上火半肩行李雪中天出門重拂高堂
意回首難過古渡船遠屋林疎明似月寒流風捲黑
如烟到來日暮空樓靜冷落燈花黯不然

雨中

來時雪映遙天亮近日雲橫高塔微好友初離添獨
緒時文漸熟室生機橋空水滑無人過草翠花黃有

雉飛經月睽違非得已思歸寧是爲春衣

春曉

月影猶栖樹鐘聲早渡河鳥啼催夢短花落引詩多
雙萼憐唐棣環遊羨水梭春光曾幾許客裏漫蹉跎
上巳歸家

爲客疑春老歸來鹿韭香煎茶修禊事掘筍佐流觴
桂密黃頭小蘋疎繡尾長讀書時未解花下問高堂

江臯信步

庭院深深春晝長出門信步但聞香烟迷芳草江雲

翠風落松花澗水黃僧寺雨前茶早熟農家晴日種
初忙東君似欲畱人住故遣啼鶻到柳塘

山游

山遊遇早雨度嶺天微晴竹露有花氣松風能水聲
狼忙泥筍嫩籠簌焙茶清正愛溪流好閒雲滿谷橫

春宵

春宵讀罷一燈青欲語無人戶不扃細草幽花香曲
徑微雲淡月照疎櫺誰家亭榭歌猶起是處簾櫳夢
未醒爲憶鄉園多樂事牡丹叢裏任趨庭

畫煙波小艇自題

春深客邸鄉心動日對孤村雨細微
偶畫烟波安小艇欲從此處賦旋歸

雨後懷貞一

端陽節近雨還風客舍殘盃孰與同
小閣孤蹲新漲裏輕帆快走綠陰中
書聲霽後宜添曉燈影昏初不大紅
反覆難尋君好處夢魂何事落江東

晚晴

會心何處不相宜况是新晴晚翠時
烟水人家都註

脚雲山鄉國暫支頤詩非月露憑魚聽
画到天機得鷺知十二人相對坐久螢
沉蛙寂萬星垂

同諸生乘涼夜話

笑談差慰客中身茗汁黃昏灑百巡
出戶清風如待我臨流明月又隨人
言當得意詩書腐遊以無心草樹新
莫倦更深行坐久隔溪螢火亂如燐

野望

病拋書卷溯溪行綠樹青畦恰性情
能悟陳言元不腐到離濁世已非清
水浮菱葉蜻蜓重風落鴉雛楊

柳輕極目雲霞成五色一輪新月半空明

題春曉圖

夢覺一聲鼓翼雉牕開幾片墮枝花不知昨夜春流
長獨步孤村曉日斜

呈房師李德中先生

江涯海角一書生學道窮經是性情不謂歐陽能得
士也令子靜竊微名西風矮屋花初發深雪高門路
未明跋涉鴛流慙後至報恩惟有樹芳聲

山東自昔多文學今日先生更絕塵自幸無知逢買

骨還思爲國耻呈身不求溫飽酬知己敢愧科名讓
古人遠謁殷勤須面命明年恐負上林春

長安感懷

庚戌

本朝未定京師日吾父曾遊國學中三十年來筮仕
別四千里外憶家同眼看輦轂觀殊壯心曉塵埃術
未工倘得成名歸去後化安山下願開蒙

去年舊雪

爾能知此際不然否炕煤冷熱妨歸夢燈火明昏伴
客愁日望家書來慰藉如何隔歲尚沉浮

應事好如流濁水流長也是漸澄清未知身習塵埃
慣還是心從歷鍊明五夜笙歌來似夢千街車馬動
無聲急須良友來相證屈指江南第幾程時國雯來京未到
鄉里依栖二十載不知天地大無垠豈期跋涉三千
路只憶交遊五六人治禮着鞭吾已後通經結果孰
爲真自慚出處渾無定拋擲年華似轉輪時經會方講三禮

出都

儼就卑官且爲貧如何歸興又催人塵沙輦轂無良
友雲樹庭闈有老親行李半肩書卷在春光三月物

華新一鞭驢背詩何憾雪滿西山未置身

百順堂卽事

爲憐竹蔭風添冷喚僕移書百順堂世事舟車憑襪
穢生涯筆硯雜丹黃抄文有客供香茗卻病無醫仗
破牀學著書成誰領取暮蟬枝上韻初長

袁公崧見過

君不過余已十年重來追數淚潛然兩家共有存亡
恨此日堪論聚散緣殘卷半簾風燭下空堂一榻暮
燈前相看無限殷勤意七尺昂藏好自憐

寒村見黃稿詩刪卷二

自辛亥至壬子

董允瑄在中

甬上

張九英梅先

選訂

姚江曉泊

親老弟亡身作客空江湖落一孤舟人生無可消今
恨天下誰還禁我愁曉樹迷烟城薄暮春花謝雨岸
清秋幾回欲上龍泉問際此先生樂也否

龍泉山有陽明先生

祠

覺苑寺

九次單栖遊子担十年三化老僧身庚子省凡死戊申日惺死今辛

亥春祇園又死新栽尺桂高過首舊種盆魚冷對人剪燭寒

溫哀弟短寺僧皆哀吾弟之死轉頭歲月惜吾春余來九年矣明

朝鴛水船船底寒食荒江念老親

過石門訪萬公擇王近思四首

一春眼淚片時收為訪同心得共遊看徧園亭水樹

好石門佳勝在城頭

到處荒殘不可名此間何幸似昇平願將一縣三春

色普散人間百萬城

王近思人真有質萬公擇學最能修終年聚首磨礪

好媿我萍踪半日留

哭兄哭弟本無殊偏我傷心更有餘勸子莫言生死

事雨花恐變淚潛如時公擇亦哭其兄

精嚴寺

四株銀杏參天大殿前銀杏樹最古一座韋馱傾國尊門前韋馱

祈者如市昔共來人成隔世巳酉冬吾弟同來今孤栖夜定銷魂

老僧面挂空堂壁時住僧介先死病犬眠高丈草門惝恍正

疑真是夢燈紅香翠欲黃昏

題雨華房壁

仁和覺苑孫哀祖秀水精嚴弟哭師偏我相逢皆涕
淚不祥何日是消時

春郊

春郊雨過船如箭捨割囊錢買片時細柳矮桑收客
淚新知故好聽聞辭心關藥裏添遊草眼照花籬欲
借枝芳翠接天鶯語滑孤篷歸去忽愁思

旅病卽事

升柴過散愁虛損欲服參芪火未安家有老親書不

敢門來疎友見猶歡難償債是詩書畫不費錢惟命
腎肝最歎兩年烟雨約矮簷窺影又春闌

病起

不解囂中靜書齋亦市塵陳編能得我矮閣自如天
病起逢新雨吟成對晚烟賣花人最好挑滿過樓前

烟雨樓

烟雨鴛湖勝風光不在樓人都嫌廢址我自愛清流
一撮當空墮千門隔岸浮蘆花明月夜好此放扁舟

常州

醒來篷隙移城塚三老云舟已到常農撥朱航泥隻
隻商開白壁貨行行大書深刻人旌海城外有新建海節婦祠

妙悟雄才我憶唐晚向犇牛看不忍凋零綽楔照斜

陽

犇牛王方洲綽楔尚存

丹陽

舟泊丹陽天未晴肩輿買得便登程斷橋石立溪三
丈滑路泥深雨一城山近沙田春事晚日中荒歲曉
烟生東林西澗堪傾耳不住家家散穀聲

白兔

白兔村前暮色侵三茅山遠翠深沉輕烟白堡黃泥
坂斜景紅牆綠樹陰驢墮羸童明世路花香曲徑會
吾心却憐牧子驅牛返對對柴門打棒吟

句容

千疊平岡高復低萬松短短四圍齊村莊屋蔽清陰
樹縣郭門環陡絕溪暮雨紅霞明路石斜陽紫電閃
山泥薄醪淺量真相稱醉向郵亭壁上題

八字岡

左題國課一犁雨右寫家聲萬卷書天下誰人知樂

此年來便我不能如筍色菜港疑還舍馬跡驢音悟
在輿猶喜清池岡上澗綠楊白鷺曉晴初

淳化鎮

衆峯盤盡高岡出屋起炊烟可萬家是鎮何由成走
集當年到此近京華馬知日午羣投店俗上天中早
賣花喜值巡司王毅遠興隆菴裏屬停車

興隆菴

憎佛偏來栖佛宇精嚴覺苑又興隆門橋木板牕溪
上僧籍金華客甬東齋鼓粥魚侵晚動香頭燈殼徹

宵紅息肩倍轉思親腹敢與禪心一樣空

朝天宮

昨夜僧牀舉指月今宵客担下朝天孝陵屋亮空山
露憲廟碑穹淨境煙

宮前有憲廟建碑又宮內
碑云朝天向爲栖真淨境

踞虎

蟠龍千古在牕燈爨火萬家連枝栖卻苦當高處日
夕看雲易惘然

報恩塔

會嫌秀水真如小登此天封亦子孫山勢虎龍形一
覽江流南北限無垠便民欲獻遷都議

余常論建都
金陵則省漕

可寬東弔古思增正統論方正學有正統論余欲補南民力作祗存建文遜國以前
腳下燕王高碣在不知靖難報誰恩

雨花臺

畱京壇廟都離黍方景雙祠郭外新欲問太宗終一日何如二士足千春仙宮靜發杪權蕊客路喧飛驥駱塵自拾雨華臺石去歸裝擬贈素心人

卞公祠

開卷朝天三五日不知西有卞公祠碑文先哲留名姓碑有宋胡銓樓鑰元虞榜諭高官認本支時有顯要認作

家廟忠孝一門兒與父香燈千載弟傳師晉家麥飯今誰主頓首遺容有所思

虛涵閣

青青弱草栖殘雨裊裊平山帶斷雲四宇月光晴後好一城人語夜來聞自慙久客真妨學更恨離羣孰賞文欲夢雙親偏不寐開牕獨坐到宵分

借得白沙子集賦寄

熙甫文章公甫詩有明作者更推誰家貧未有錢能買心好雖當夢亦思官舍借來珍似寶客牕讀得喜

成痴求防已得臧孫術更願先生喜布施

偶成

昨日吟詩今已非客牕苦覓路單微夜來明月千峯
見雨後新螢數點飛是到眼前都好句不經意處始
天機規模舍筏終窠臼從此狂歌一路歸

余嘗有詩到白沙財入聖文除熙甫總還疎之

句見者譏余成癖且以兩老舉人相戒笑而

答此

詩文正統妙無魔明代陳歸外不多自喜此中能具

眼豈期君意比沉疴一生倘得追雙甫兩榜寧還想
九科多謝慤勤相屬語神交心印奈吾何

初昏卽事

栖泊金陵四十天画叉落盡屋梁錢登臨山水無多
地記載詩文得幾篇連日甘霖蘇客病今宵朗月照
人眠此中除憶高堂外青草疎螢點暮烟

黃天夜泊燕子磯

燕子磯頭看月浪觀音閣上聽風蘆但知意思凌天
表那記形骸滯客途夜靜鐘聲鳴不斷江長帆影過

如無何須別羨元真子泛宅浮家作釣徒

儀真

黃天蕩裏浪如樓夜入儀真繫小舟萬樹桅竿燈忽
上一聲爆竹鼓齊收澄江月出明於晝矮帳風吹冷
似秋起揭篷牕閒俯仰衆星西墜水東流

復安仁村爲寒村

一姓千人四百年寒村兩字復誰憐江空屋冷輪當
我月白霜清好個天相子連楓紅樹樹菘秧帶麥綠
田田未知肯否天公意自賀佳名詩一篇

從來安在寒時驗此日仁須村裏求莫怪書生專復
古爲嫌俗子慣粧頭荒田細雨唯枯樹古渡淒風一
小樓此外傷廉更何者萬山西峙水東流

發寒村至定海途中手春草集二首

壬子

侵曉肩輿向日行東風晴後拂簾輕寒村江樹烟雲
潤春草詩文冰雪清誦讀時時懷古意湖山處處卜
鄰情與誰領略春光好一路禽聲更水聲
驃騎峰頭雲影亂橐駝橋下澗流忙何分山水俱堪
樂豈認鳶魚是勿忘晴日倦人潮蟹綠暖風動物野

梅香原來彌望都春草不獨長篇及短章

海雲菴

風定孤城日落初海雲菴裏息肩輿青山窺座宜添
竹碧水當門好種蕖客夢夜醒堂上板僧齋曉赴竈
頭魚喜逢相士談吾壽多得殘年好讀書

招寶山

江衝海激倩誰支突兀崢嶸儼足師登此身如離世
界翩然舟可達天涯幾人閱武詩無好六國來王字
獨奇最喜滄波同我濶不須懷古摸殘碑

觀音洞二首

招寶山頭路已窮一聲清磬石巖中循崖曲折無塵
跡入洞幽深自梵宮大海波濤階下物普天埃壒眼
前空何當瓢笠來栖此看倦扶桑曉日紅

千盤折下春光迴一徑斜登日影穿山盡此間無大
地水窮何處只青天嶙峋巖蘚汗名姓澎湃潮聲忘
歲年幾盞菩提趺坐久

洞中泉名菩提

跛羊踏石落簷前

答謝以昭索畫

平生僻愛佳山水詩不成時便寫圖招寶幸看滄海

見黃和言冊卷二
九
濶擔簦奈覓管城無重來一一應酬汝此去匆匆望
怨吾若對知音慳筆墨寒村小子亦非夫

別孫朗仲

斥鹵荒城但日紅兩人何事忽相逢交遊到此疑因
果踪跡真堪歎轉蓬蛟海雲霞奔走裏鴛湖烟雨夢
魂中與君擬作聯牀話江上春多送別風

歸舟卽景

雨霽僧簷客睡醒衝泥出郭便揚舲江迷曉霧連天
白草喜春風特地青遠近鹽場依戍壘高低戰艦繫

漁汀此行多少新詩句載去高堂一一聽

停橈乞米白沙村畱客情堅勉造門各種鮮魚財舉
網隔年陳酒正開尊貪趨明日山中約辜負今朝江
上恩便爾舍舟從陸去穿城渡水欲黃昏

二月一日讀書赭山禪寺遇馮武水話舊

戊戌歲武水與其兄天一諸子讀書寺中余
偕袁節之族叔祖弘業數人同爲文會今十
五年矣天一節之弘業俱已物故而諸子亦
各星散感念疇昔爲之憮然

松聲竹蔭又溪泉肯許維摩擅此天掃榻焚香破屋
裏陪茶喫果故人前傷心敘述二三子屈指浮沉十
五年只有讀書餘活計吾生發願付陳編

遠近有來學文賦此示意

我亦谿茅誅不開諸君何事裏糧來山牕但可分燈
火沙徑能同看草芟若理陳言都障礙須添新悟始
胚胎寒村更沒論文旨風落梅花滿翠苔

姚江黃主一攜書相就

如此青山如此春如何又得子來親松風竹月天然

好谿水巖花分外新吾道君聞獨立處時文我媿過
來人相看別有無窮意鐘靜空堂綠草勻

雨中卽事

山寺曉鐘施食後松牕春雨讀書天閉門竹影泥牆
角欹枕鳩聲石磴邊兩岫閒雲三徑草一溝流水半
林烟呼童發火煎茶外磨墨研硃理舊編

夜坐

蠟燭兩枝將夜半羊裘一領正春寒空山缺月鶴鷗
喚古殿殘燈獅象看試聽書聲都闕寂獨畱樹影共

盤桓虛牀靜坐吾何有鼻底清香案上蘭

黃主一約上龍湫觀海二月十七日夜分乘余

熟睡忽拉同學諸子登山風靜月明曠然奇
觀已而同行膽怯中途返步明旦知之賦詩

一笑

背約登高趁夜分山靈得此亦新聞清風肅靜雙江
水前江明月銷磨萬頃雲奇事有天嫌擅絕曠懷如
子漫隨羣豈知一榻寒村夢兀坐峰頭早待君

送主一赴試

君爲時文來拜我我因曆數欲師君共栖僧舍堪心
印奈接家書忽手分徒步夜乘藍水月雙飛春采泮
宮芹時主一兄正山中烏筍畱相待莫忘龍潭看海
雲義同赴試

山中晚步

竹藏深谷根根綠花泛清溪瓣瓣紅雨後山間如此
好晚來松下與誰同伶俚列宿明天末斷續孤雲走
地中夜月若還呼得起直須信脚到龍宮

上巳梅湖

見章和詩冊卷二
桃李花開桃李樹燕鶯子出燕鶯窠是天覆處都春色能我遊時不浩歌醉眠甑底名山無邊草知在東錢湖名第幾波一個土饅誰免得貽清橋上石盤陀

養病寺中寄范國雯

醒來不辨何花氣坐久惟聞松樹聲我與溪山同意思天於春夏亦幽清綠陰小徑風吹籜白日空齋水沸鑪爲問故人能共否病夫燒筍摘朱櫻

初夏禪房卽事

老天許我長初夏蕭寺清陰過一生溪路吟詩松作

蓋山厨喫飯筍爲羹晚來花氣朝雲氣高處禽聲下水聲此意不須人得領青梅白橘盡同盟

范國雯書來問疾者兩次畫扇答之

綠樹青山一病身倦眠饑食似遊民自慚七尺何潦倒敢辱雙緘相問詢多謝中醫真好論果然別症欲愁人書中言不藥爲中醫恐其生別症也指尖猶喜烟雲在未減心胸萬斛春

題萬季野文稿二首

斯文仗爾識真傳轉眼離居忽四年惠我著書多若

此聽君抵掌快依然雞壇藥石疑空古集中與友人書俱藥石之

言竹簡權衡欲破天讀明史論多獨見病子佛頭專着糞題

詩意在序詩篇余嘗序季野詩頗言其未工

少陵詩律常言細吏部文章最忌陳兩字才人將作

主千秋學者定稱臣甬江博洽誰如子黃浦風流莫

讓人大海細流應不棄相逢更欲剖纖塵

午日歸自赭山移榻書帶草堂

三月山樓興未涯病歸村舍轉榮華團圞老幼昌陽

酒蕩滌心脾穀雨茶榴向幽窗紅一朶稻於清水綠

千了生平無事同前喆榻近高堂也白沙

書東坡詩抄

財到眼中都解悟稍經筆底便風華寧期此道稱高

手不傍前人自作家卓爾鎔今兼範古悠然流水復

開花歐梅冷淡黃陳僻千古青蓮許共誇

書定山詩抄

明朝詩學推公甫若語仙才拜定山濶海空天那見

律吟風弄月幾同頑從來學到無心妙似此詩寧有

意嫻子美堯夫應共許太倉歷下或能刪

病中卽事

兩月九方加桂附數朝湯劑用苓連疑寒疑熱成奇
症閒坐閒行負壯年靜後紅魚翻綠浪覺時白鴿舞
青天平生最愛幽居味此日栖遲似有緣

閱汪玉山劉雲莊王稼村僧蒲菴集漫賦

病舍書籤腹久饑四家集在頗能肥劉雲莊學淵源
好王稼村文法度非爭似玉山臺閣大頓令來復笠
瓢微慚余無一堪爲役撫卷茫然對落暉

珠蘭

箭竹架邊黃粒粒木樨陰下綠蒼蒼清風忽馥人驚
顧溽暑全消我坐忘賞乏良朋同酒觥吟無好句入
詩囊不如汲水烹佳茗倚石翻書自在嘗

自題小影

不知畫出君如我還 是生來我似君流水自穿松下
石清風欲動嶺頭雲會心何處猶持卷得手無時可
廢文卻恐科頭僧佛樣誤人頂禮瓣香焚

秋晚卽事

經營鶉鴒窠兒穩整理珠蘭架子牢病裏行藏真邈

邊閒中俯仰却風騷一庭涼雨蟲聲急半榻清光樹
影高只恐明朝行役去黃花丹蕊夢魂勞

姚江舟中

七月廿日

病軀只恐高堂憶欲出還畱半月多今日舟中遊子
况秋風江上長年歌榭依亂石紅明草鷺立喬松白
照波如此客途須寄語龍泉侵曉片時過

會稽道上

草根蟋蟀鳴還咽水面蜻蜓去復來無限灘頭秋意
思似牽船底客徘徊廿年娥水七懷策四載虹橋八

舉杯笑我山陰應接慣孤篷深臥眼慵開

二十五日黃昏舟至秀水宿東門內街上一小

樓不寐有作

吳山宿王卽山寓舍晤萬克宗
語溪過許大升書齋訪王近思

吳山昨日違知己語水今朝別故人船到南湖烟欲
暮裝歸東郭火如燐匆匆聚散風吹絮忽忽行藏雨
打塵一夜街樓眠不寐挑燈說遠念雙親

呈於陵李先生

計偕續食減多年賣產曾無貢禹田自試春官違夙
願漫從舉主乞相憐庭無雀鼠來欺令野有蝗蝻欲

蔽天可望民膏肥一士滿船明月也言旋

精嚴寺

病耳不堪塵市語尋幽重到雨華房清風小榻憑圭
竇白日低簷借粉牆老柏窺人秋寂歷寒蛩匝地夜
淒涼逢僧追話三年事一曲琴彈一炷香

閏月七夕

月影半規明漏瓦雨聲幾點落疎桐蒲團靜處琉璃
火茶盞傾時鼓鈸風三十年來何日可百千事只此
宵同卻慚飄泊流螢似度竹穿花西復東

十日夜寤

破屋秋風驚客夢空牀夜雨共誰聽崢嶸病骨寒先
到冰雪詩脾苦益靈定去歸家千畝綠覺來照室一
燈青滿庭蟋蟀何相好月黑更殘話未停

陳葵獻范國雯陳介眉萬貞一王文三張梅先

諸同學應試武林賦寄

長安誰復我扶攜春待諸公馬共蹄但望空羣收冀
北須令開卷識江西月明秋夜筵筵賞桂發湖山舫
舫迷莫鬪嬋娟同婢子科名我輩立朝梯

風雨中聞陸茹英歸自武林俱以病不克晤漫

寄

我到鴛湖子到杭別來見得未商量忽聞病理歸歎
棹滿儼身登長者堂苦雨終風威瘦骨殘書老衲對
空牀遙知家室團圞好絕勝羈人買藥嘗

與雲溪僧夜話

余族人也時到楞嚴買藏經頗學作詩

章句時文也算儒自將岐路作通衢吾家屋裏饒真
寶爾輩門前敢濫竽與子行原因族故是人心豈共
禪無卽今風雨蕭颼夜慚愧枝頭反哺烏

明是雙親育我身生前死後覓誰人形骸若果同虛
幻經律尤應屬土塵吾道乾坤真一體此心風月自
三春不須更學無生法滅度恒沙世界民
君曾學佛十餘載我只吟詩廿二年好境不從心外
得真機自向句中傳試看雪月風花地可着東西南
北天設也聽聲還揣骨吾非詞客爾非禪

月夜吟得空牀初冷不成眠之句忽聞住僧鼓

琴足成一律

空牀初冷不成眠獨步閒庭意渺然露下無聲秋滿

地雲收何處月當天客心曠已歸琴裏詩思清還出
句先一鼓再彈君莫惜寒村叅透到無絃

寒村見黃稿詩刪卷三

自癸丑至甲寅

李鄴嗣杲堂

甬上

董道權缶堂

選訂

陳栩園雪牕見懷次韻二首

吟詩要與雪畱連定是聰明淨亦然新句吾能成此
際故交君不忘當年合知射策人難和分付圍碁客
共傳時與王有容圍碁容洗京華塵面去寒梅瓣底賦千篇

三十年來魯仲連棲遲京國鬢皤然雪牕得句何懷
我詩社論交不計年感慨直從天告語悲歌姑許俗

見黃和詩冊卷三
流傳寒村別有推敲派讀罷焚香也一篇

與袁公敬王有容論詩

乾坤清氣在詩脾可許粗人孟浪窺縹緲案頭香不
到蕭疎牕外雪能知鍾譚要是寒酸骨王李真成臭
腐皮試咏空梁春草句讀書萬卷亦支離

寄王近思

要約年來踐孰多子還仍舊我蹉跎父師雲樹邊翹
首寒暑舟車裏擲梭幹力未因遊歷鍊鋒鋸半爲俗
消磨只餘一點悠然意好共春風發浩歌

上巳南還同向人千

江南上巳春如海正怪長安不見春一出郊坰遇桃
柳敢嫌車馬送風塵回頭日下隨吾友屈指天中拜
老親此去三年江海上好同打疊對君民

楊村夜泊同陳非園應完占丘紹衣次向人千

韻

歲晏衝寒曾策蹇春深薄暮又停舟兩年我自空爲
客此地何曾解送愁曠野月明天似水長河潮落岸
如樓篷牕况有知音客一曲清歌醉未休

戴家開喜雨同楊君憑沈霏圃陳非園應完占
向人千張亢友次丘紹衣韻

新雨蛙聲亂孤篷客思清焚香同七子聯句到三更
風起燈燈黑天涼鼓鼓明河流添幾尺準擬布帆輕

梁家鄉

新晴塵不起落日好平沙寺蹟看殘碣鄉名識舊家
清流一尺鯉綠樹幾聲鴉最慰征途苦村村麥放花

李海務

閘板多情極畱人海務東篷牕幾幅畫烟雨百帆風

酒餞荒村淡旗竿古廟紅隔船問詞客佳句肯相同
駱馬湖次丘紹衣韻二首

路知何岸是帆擬到天收客况真飄梗閒心自泛鷗
堤聞漕卒築家羨釣翁浮贏得清風便遙山日尚畱
河漲欺湖淺清流忽變黃晚來天只月到處岸都檣
漁遠燈明滅朋多話短長此時雲水興何意更思鄉
武林雨中有懷國雯

相期寧可外人聞五載蹉跎落世紛舊約關心長愧
我新知滿眼更思君魂銷幾夜吳中雨目極千山甬

上雲此去歸程堪計日合并何以道殷勤

書高君鴻扇

且中第五子

子曾受命先君子來向寒村北面吾迂拙敢誇師道
是慇懃能記父心無世情衣狗難憑藉家學箕裘好
植扶年少風光應努力到悲老大則凡夫

贈丘郡守郢山

吾邦兩歲有神君一介疎頑未炙芬京國歸來財願
見聲名道路早傳聞春風江海村村讀夏雨溪山陌
陌耘其實黃堂何所事鳥啼花落炷香焚

柴門卽事

長夏幽居無俗客柴門病裏亦重開地當江折山初
盡天到風清月也來貪弄禽魚真僻性巧安花石自
通才偶因聽得吹簫技一六五工取次裁

好友相思已一年囊空不辦雇船錢且依樹蔭消紅
日忽見雲峰亂碧天病可明心安養法文難出手應
酬篇新蟬解慰愁人意來報西成在眼前

秀水寓中夜坐

路貧愁殺過家貧此語雖傳恐未真我卻胸堂無井

見黃和詩冊卷三
四
曰夜於書本更精神齋童燭燼都忘剪街卒柳聲已
倦巡開戶寒空霜露滿當天明月照無垠
除愁屋裏二人寒風露清清極好看喚僕添香溫被
冷忘鄰敲鼓殺更殘胸無往古人千載錢有明朝飯
一餐因歎伯牙琴可惜半生徒爲子期彈

移寓精嚴寺雨華房

一入禪門意便清滿庭落葉與階平佛牙空誕詩難
譜銀杏高奇畫不成六子中堪驚物故五年來漸見
人情僧家也有衣餐累久不絃琴膝上橫

殿前兩塔
云有佛牙

及舍利又銀杏四株最奇古六子卻似弘
葉緯如趙雪卿蔡丹篆查春谷及余也

褚硯耘爲余寫寒村記賦謝

嘉興水流山不歸稻壠桑畦看欲睡苟無人傑露其
奇誰爲乾坤洩靈祕吾聞端明巢先生三十年來廬
墓次有如海外三神山望之縹緲不可至又見約菴
施先生學問涵養色盎晬正如徂徠魯東山魯人之
所瞻而企雙峯巉削百里間華嶽中分奇不啻乃知
何地無名山造化精英特有寄爾來更識褚先生一
望鬚眉知其類先生四十載孝廉懷奇掉頭不肯試

門對寒流竹繞簷燒香啜茗惟書字有時伸紙疾揮
灑匡廬瀑布從天墜有時停頽故遲迴武陵桃花當
春媚有時筆虛勢婉轉風雷幽谷神龍戲有時筆實
相莊嚴冰雪空巖高士寐胸靈腕健法無窮髣髴依
稀爭坐位人疑小技何癖淫吾知其中必有爲念我
平生書法荒誤聽歐陽耗氣志不學手竟不能然談
何容易通其意一聆先生三昧言村童對客背芒刺
先生顧不我鄙遺濡毫爲寫寒村記寒村寂寞荒江
濱記筆空疎無弘議紛紜世俗競繁華窮鄉僻論遭

譏詈忽蒙點畫發光輝老屋空田轉蒼翠區區鄙志
藉不孤蠅蚋微茫附騏驥歸當勒石豎庭隅高蓋屠
蘇負最屨打成裝帖耀親知囑我子孫摸世世獨愁
貧乏千金酬作歌又慚詞蕪累寥寥相望巢與施並
舉同稱當不恚從此鴛湖彌望中三峯突兀撐天地

雪夜

無賴雪聲牕瑟瑟不時風陣葉團團三更深閉僧房
聽百孔森開客背寒香瓣盡求諸佛施燈花畱卜老
親安絕清肝肺詩難寫欲出中庭露立看

禾中人以瓠作器隨物賦形工巧樸雅戊申夏
曾於故友高鼓峰案頭見一香爐清潤可鑑
心甚愛之巳酉以後每歲來禾時於市中物
色了不可得癸丑十一月廿五日年友吳同
甫招飲卽席出瓠器甚夥就中同甫鍾愛一
瓶最精諸酒杯俱好余以性不能飲只乞一
香盒而歸到寓呼燈照之醉眼摩挲如見故
人家物感可知巳獨念有盒無爐如人臣不
得君而事意望同甫完此一案晨起捉筆情

見乎詞

檇李將瓠作器精鼓峯座愛小爐清五年市上心空
挂一夕尊前眼忽明欲攬酒盃無飲分只攜香盒博
廉名却因臣在須求主不避貪痴四韻成
藏香盒爲燒香設不得香爐底處燒諸葛隆中空抱
膝苧蘿村裏自多嬌何人不解懷知遇是物寧聽歎
寂寥美子平生真義俠定能作合慰無聊

雨中寄孫朗仲

臘月四日

忘機犬自眠乾葉得意鴉還噪老枝客邸錢空難返

棹僧臆飯飽獨臨池世情真僞窮途見天道陰晴病
骨知只我故人堪對語卻愁風橫雨絲絲

王白民以詩稿見贈又作四絕送別賦此畱謝
曾將舊稿傾困廩更以新吟代帛縑在子雖云聊助
喜於吾母乃太傷廉寒冬寂寞全憑遣歸路資裝大
覺添何日騷壇盟故里同論風格不妨嚴

千古詩家法在真不真安得句清新讀書腕力能加
健脫俗心思自入神熟套江湖無骨性浮聲臺閣盡
埃塵知君此道中生死不惜狂言冒昧陳

生朝

三十七年前此日定知喜氣動雙親轉頭歲月將強
仕落魄江湖尚廢人學道無能遺世俗論文終覺愧
先民禾城僧舍當寒臘敢受僮奴舉爵頻
年年此日家庭裏點燭鋪氊拜老親去歲燕山工瑟
客今朝鴛水乞墦人尚艱酒肉空言志不保妻孥况
及民俯厚仰高慙七尺閉門風雨又頻頻
莫測纏星當軫度休排安命在寅宮行藏後事終憂
老師友前期半落空大統朝廷猶望治豐年間里益

愁窮讀書不得平天下漫說工夫未發中
眼耳塵沙微世界心胸三十六春宮不思賓客華堂
滿安計盃盤旅舍空羸骨衣裳雖半典寒牕筆墨未
全窮濤江風雪明當霽幾夜歸舟好月中

寄萬貞一

已酉貞一同余讀書黃過堂嘗言聚
首之樂不可多得

昌黎東野詩聯句永叔都官交一人我學雖然慚籍
湜君心豈不愛晁秦兩家衣食同奔走幾載參商各
主臣黃過堂前懸記語寒天客舍最傷神

遣懷四首

客面崢嶸瘦詩肩料峭寒呼銅徵老大向鵲問平安
雪檻孤花凍風庭積葉乾滿前枯寂意身也作僧看
人棹江頭返吾年殿角殘雨華房亦名殿角房霜天僧汲井風
日卒粘竿酒白寒無力餽黃晏未食從誰策歸計盡
日一蒲團

客窮無去路歲晚是歸天小鏡毛初二高堂眼定穿
殿空寒暖日鍾滅澹輕烟何物風吹動鴉翎老樹邊
佛說吾生闢禪房卻有緣艱難雖顧內徙倚欲忘年
陣駭飛鴻斷牀悲聽雨連已酉冬故弟同寓此九京如可作客

久不須旋

題牕前月月紅

幽牕開落有誰知
辛苦寒天放一枝
我分平生終冷淡
嫣然春色到何時
紅苞綠萼態猗儺
無賴風霜不奈何
正似倚闌相對
客殘年僧舍日吟哦

和袁靜公賦得人跡板橋霜

小橋寂寞架河濱
清曉霜花落板勻
正恐臨流寒似雪
不知下馬過何人
奔波朝市千秋榜
徒役郵亭一幅真
多少傷心傳脚底
何當造物盡陽春

答人求詩

歲暮窮途歸不能
隻聯半字折三肱
已成塵世逍遙客
肯作騷壇應付僧
呼月嘲風興自有
乞憐貢諛學何曾
君須另覓專家好
倘吐狂言恐見憎

江頭小飲二律

甲寅

獻歲三天暖臨江
一席清春新野岸
寂客寡渡船輕入
座皆山水飛觴只
父兄不辭開量飲
村落漸昇平岸與
山環北舟隨水向
東店官供酒飯路
客着青紅

見黃和詩冊卷三
江汐仍新月天春自好風最憐幽圃角菜永綠成叢

聞變

新歲家庭暫息肩江樓一望興悠然探梅咬菜能容
我斂版扶犁悉聽天正理架書相晤對却驚邸報忽
喧傳高飛因羨寒簷鴿飽趁春風不用錢

十載春農不識兵車書一統化宜成西山狐鼠何偷
竊南土鯨鯢又縱橫所恃朝廷終討亂可堪閭里不
聊生倘憐婺恤如蟲獲流品先除滿漢名

臣子功成合退居飽騰士馬亦君餘先皇勢未遑杯

酒今上時寧不紙書鷹眼終難消搏擊虎俚豈果悔
驅除腐儒慢喜生草莽猶記瘡痍定鼎初

尾大將來得掉無撤藩豈不是訐謨莫因燕雀尤鼉
錯須爲貔貅擇亞夫師旅行時知以律閭閻到處望
其蘇慙余莫展分毫力願作詩歌頌碩膚

雨夜書懷

燈油點盡背清涼卷起殘書向小牀夜雨傾簷槽落
酒春風過樹金鳴湯引來舊事排心目牽動新愁轉
肺腸奢望吾生何敢有雙親願奉太平鄉

身書和言冊卷三
二月廿一日赴江南學使讀卷之招

年來奔走喪生平此去江南更愴情雖屬論文同入
幕必須卒歲始歸程滇黔跋扈遙傳棘閩浙連疆隱
患萌輕別雙親謀俯仰愁看花柳怕聞鶯

雷雨夜泊偏門虞心影畱宿

雷轟雨急偏門外被濕篷穿小舸中曾未通名真過
路忽然呼字定賢東繞堂燈燭僮奴謹圍席杯盤子
弟聰僂指經遊年二十相看不解晚相逢

惠山六首

汶港通山麓迎風進小船登涯趨古刹入戶訪名泉
遊女春晴亂衰僧日午眠滿胸題壁句只恐愧前賢
釀酒名天下烹茶志古先吾疑多謬得今信不虛傳
小飲渾忘客沉吟直墮禪從來埋沒汝定用火相煎
南北經過久相思慰六年逢園決曳屐買路不論錢
土偶家成市盆花店滿筵吳人兒戲極斗餅數盈千
欲窮山面目畢竟要登巔霽景湖千嶼春烟邑萬廛
丁冬清塔院紅翠艷糧船却恐兵戈及重來不復然
佳境難輕別幽尋用一年雷聲忽送雨僕氣盡歸船

見黃和詩冊卷三
沽酒包過百輸錢弔及千同遊但豪舉誰會我畱連
轟雷及驟雨裂岸欲翻船遮背篷三扇克腸豆半肩
燈分家長照艙挾館童眠只爲高堂憶歸家夢亦慳

江陰道中

屈曲青陽道行舟螺殼中繩牽迷向背柁轉失西東
高岸偏宜竹穹橋亦似虹紡花村婦業此地作男工

丹陽

但有山川無俗處况當風日正佳時村經雨足溪溪
活路到春深草草知四載舟車仍故我幾家籬落又

新詩奔波都是丹陽道終歲離家也不思

句容

句容兩日跨山行爭似湖山赤處清滿地晴光連石
艷彌天春色着波明十方綵旆迎神社百面銅鑼奏
樂聲只爲川湖烽火急客途聞見盡堪驚

溧水

蓼塘昨暮風初霽桃嶼今晨雨稍狂連日肩輿羣告
瘁兩行堤柳細飄香樹因村老根都出溪爲山虛水
定黃最愛家家花數畝秋來佳果不勝嘗

高淳

天公妒我傍湖行不捨高淳半日晴
面孔紅於泥路滑胸窩碧爲柳花清
石坊磚戶官街楚雞卵猪肝野
店精駐馬小童還得用烘衣爬背亦多情

宣河舟中

雨阻肩輿奈若何扁舟兩日遡宣河
風吹絳斷垂楊岸浪打篷飄敗葦坡
午膳宵眠顛倒忘青峯綠墅亂
忙過高吟差勝同艙客不在驚危履歷多

初夏卽事

倦遊一月已懸車
時藥燒香更品茶
綠到盡情初夏
樹開來無禮暮天蛙
淫霖與瓦成溪溜
濕熱將香助
草花開酒殺鵝
招佃客真堪沒世是農家

夏日村居

朝倚西窗暮傍東
午天出戶趁南風
修書畫扇貽良友
哺鴿澆蘭課小童
身嬾不遑愁學落
時危但解祝年豐
蜻蜓大水從來驗
愛對青畦萬翼紅
長夏江村事事幽
舟師孔道卻堪愁
荒墳無計畱松栢
野店曾經變土丘
雲作雷殷疑砲發
風橫潮逆畏

帆收何當四海無兵革日日柴門狎水鷗

日將恢復望王師未捷先歸事可疑肉食會無心報

國杞憂空有策匡時科頭跣脚幽居態食淡衣粗道

世思慚愧守城諸士庶獨叨清福太便宜

此時誰復計窮通谿壑難填只好風思築桂陰堂五

架前開荷葉沼三弓如斯便了平生案否亦仍憑造

化公酌茗焚香高臥去蟬聲花氣夢魂中

花架風能透室清紙牕月解照牀明只將隱遁生涯

足却為傳聞夢寐驚遭際正憂同老父行藏還擬問

先生江頭稍待秋濤壯一夜鳴榔竹浦程

晚天暑氣盡情收浴罷空庭小榻幽桐影舞窗風亂

月蛩聲圍屋夜迎秋朝昏書課從兒懶晴雨農功聽

僕謀一枕黑甜真富貴人間何事覓封侯

夜坐 時閱歐梅詩集

破壁新泥幸隔風油燈一盞照書紅可憐永叔貪歸

隱無賴都官愛訴窮屋瓦滴來無算雨雲天叫過百

班鴻女兒似憫詩肩聳煨栗烹茶餉乃翁

生朝

十年長恨客邊多此日家居竟若何拜舞驚看兒女
大杯盤悵望友朋過賊梳兵櫛村村走雨苦晴慳節
節訛得住寒村依二老敢悲歲月易蹉跎

范國雯以詩見懷并來索畫次韻二首

小力鄞西至封題一卷斜多君當歲杪念我隔天涯
臨海烽烟急明山羽檄譁師門同負處只好作詩家
時危兼歲晚凍筆已慵開依主羸看鶴尋盟幸植梅
承憐畫餅技竊媿獻圖才聊寫林泉癖寧酬錦繡堆

又答國雯

自分時危合棄捐寒村枯坐送殘年故交誰復如公
久新句還來要我聯磨墨濡毫思對壘挑燈圍火幸
成篇不堪郊野同憂患未有桃源別一天

陳夔獻萬充宗歸自姚江見過

似我關門真畏禍多君徒步不辭勞喜當卒歲來存
問愁聽先生遠遁逃月色滿庭寒勝雪風聲繞屋怒
疑濤臘梅况復幽香吐應且須與醉濁醪

以非關門真異甌冬吾非也
不撥學喜當卒盡來并
刺夔熾萬衣宗輔自撥
其貝歐

虱論不堪液裡同憂患未
有淋感恨一天

八滌回還來要非細
粵墨霽亭思慳壘
淋登圍火幸

自公謝意合寒
誰寒林林坐
送送羊姑交
蕭剪吹公

